

KOMORA MAGISTARA FARMACIJE TUZLANSKOG KANTONA



TUZLA, Titova do br. 34, SPO lamela A/II
Tel./fax. ++387 (035) 271-203
E-mail: komora.mrphtk@bih.net.ba
UniCredit bank ž.r.: 3384-4022-1525-3454
ID broj: 4210093340000

Tuzla, 27.11.2020.godine
Broj: 01-M-965-1/20

PZU «PHARMACOM» APOTEKA TUZLA
N/R direktora ustanove, zastupan od „Zajednička advokatska
kancelarija Razić & Maglovski“ iz Tuzle;
Aleja Alije Izetbegovića 29, 75000 Tuzla

PREDMET: Mišljenje – Veza Vaš akt broj 102-1/20 od 17.11.2020.godine

U skladu sa članom 10. Statuta Komore magistara farmacije Tuzlanskog kantona, a u vezi sa članom 222. stav (1) tačka 3. Zakona o zdravstvenoj zaštiti („Službene novine FBiH“ broj: 46/10) i na osnovu odredbi člana 14. stav 1. Zakona o apotekarskoj djelatnosti („Službene novine FBiH“, broj 40/10) i člana 2. Pravilnika o postupku i načinu davanja mišljenja o opravdanosti osnivanja privatne prakse Komore magistara farmacije TK broj: 01-872/18 od 23.11.2018. godine i odredbi Pravilnika o bližim uvjetima glede prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove i postupku njihove verifikacije („Službene novine FBiH“ broj: 44/12) (u daljem tekstu: Pravilnik), Komora magistara farmacije Tuzlanskog kantona razmatrala je zahtjev **PZU „Pharmacom“, Apoteka Tuzla** zastupane od strane „Zajedničke advokatske kancelarije Razić & Maglovski“ iz Tuzle, za obavljanjem poslova apotekarske djelatnosti i daje sljedeće:

NEGATIVNO MIŠLJENJE

Komora magistara farmacije Tuzlanskog kantona izdaje mišljenje u skladu sa članom 222. stav (1) tačka 3. Zakona o zdravstvenoj zaštiti („Službene novine FBiH“ broj: 46/10) o opravdanosti izdavanja odobrenja za rad **PZU „Pharmacom“ Apoteka Tuzla – Ogranak „PHARMACOM br. 4“ Gračanica**, na lokaciji ulica Branilaca Grada bb – Shopping Centar ETNA, Grad Gračanica, za obavljanje poslova apotekarske djelatnosti, sa **mr.ph. Šećkanović Ilmom** kao odgovornom osobom ogranka apoteke.

Uz zahtjev su priloženi sljedeći dokumenti:

1. Punomoć za zastupanje dato advokatima Razić Selmi i Maglovski Gordani iz „Zajedničke advokatske kancelarije Razić & Maglovski“ iz Tuzle, broj: 102/20 od 17.11.2020. godine;
2. Spisak stručnog kadra apoteke broj: 210/20 od 16.11.2020. godine;
3. Ovjerena kopija diplome o završenom Farmaceutskom fakultetu u Tuzli na ime, Ilma (Mehmed) Salihović, broj: 13/208/15 od dana 24.11.2015. godine;
4. Ovjerena kopija Uvjerena o položenom stručnom ispitu mr.ph. Ilma (Mehmed) Salihović pred Ispitnom komisijom Federalnog ministarstva zdravstva, broj: 06-34-3020/16 od 11.07.2016. godine;
5. Ovjerena kopija licence izdate na ime mr.ph. Ilma (Mehmed) Šećkanović, broj: 2235/20 od dana 22.01.2020. godine;
6. Ovjerena kopija uvjerenja o državljanstvu za Ilmu Šećkanović, broj: 09/1-10-1-43923/20 od 23.09.2020. godine;

7. Ovjerena kopija lične karte na ime Šećkanović Ilma broj 0K1418T34;
8. Ovjerena kopija diplome o završenom Farmaceutskom fakultetu u Bijeljini na ime, Vedrana (Grozdan) Arnautović, broj: 244/158/17 od dana 27.01.2017. godine;
9. Ovjerena kopija Uvjerena o položenom stručnom ispitu mr.ph. Arnautović (Grozdan) Vedrana pred Ispitnom komisijom Ministarstva zdravlja i socijalne zaštite Republike srpske, broj: 11/01-153-1721/17 od 02.10.2017. godine;
10. Ovjerena kopija licence izdate na ime mr.ph. Vedrana (Grozdan) Arnautović, broj: 317/18 od dana 16.04.2018. godine;
11. Ovjerena kopija uvjerenja o državljanstvu za Rahmanović Vedranu, broj: 09/1-10-1-53158/20 od 17.11.2020. godine;
12. Ovjerena kopija lične karte na ime Rahmanović Vedrana broj 0K14189M2;
13. Odluka o osnivanju Ogranka apoteke broj: 1/20, od dana 07.10.2020. godine;
14. Odluka o imenovanju Šećkanović Ilme mr.ph. za odgovorno lice ogranka apoteke „Pharmacom br.4, broj: 190/20 od 07.10.2020.godine;
15. Kopija rješenja o izmjenama pravosnažnog rješenja Ministarstva zdravstva o ispunjavanju propisanih uvjeta u pogledu prostora, kadra i medicinsko tehničke opreme za obavljanje apotekarske djelatnosti za PZU Apoteka „Pharmacom“ Tuzla, broj: 13/1-37-37587/15 od 26.02.2016. godine;
16. Ovjerena kopija rješenje o upotrebnoj dozvoli broj: 06-23-4389-2007 od 25.01.2008. godine;
17. Ovjerena kopija rješenje o upotrebnoj dozvoli broj: 06-23-02792-2017 od 26.09.2017. godine;
18. Ugovor o zakupu poslovnog prostora zaključenog između EDO-SLAD d.o.o. (Zakupodavac) i PZU „PHARMACOM“ Apoteka Tuzla (Zakupoprimac) od dana 19.10.2020.godine;
19. Kopija Rješenja o saglasnosti o dodjeli lokacije za otvaranje apoteke, broj: 13/1-33-13479/20 od 03.06.2020. godine;
20. Ovjerena kopija tlocrta poslovnog prostora urađenog od strane doo „PROJEKT“ Brčko, projektant Mirjana Erić, od 10/2020;
21. Kopija geodetskog elaborata o međusobnoj udaljenosti locirane apoteke od najbliže apoteke iz juna 2019. godine, urađen od «Geopoint» doo, Živinice;
22. Zapisnik Komisije za davanje mišljenja pri otvaranju apoteke broj: 01-986/20, od dana 17.11.2020.godine;
23. Kopija uplatnice izvršene uplate u svrhu izdavanja mišljenja od strane Komore.

Komora magistara farmacije Tuzlanskog kantona mišljenja je da ne postoji opravdanost za osnivanja privatne prakse, te da se podnesenom zahtjevu ne može udovoljiti.

OBRAZLOŽENJE

PZU „Pharmacom“ Apoteka Tuzla, zastupane od strane „Zajedničke advokatske kancelarije Razić & Maglovski“ iz Tuzle, obratila se zahtjevom Komori magistara farmacije Tuzlanskog Kantona, dana 17.11.2020. godine, za izdavanjem mišljenja za obavljanjem poslova apotekarske djelatnosti za **PZU „Pharmacom“ Apoteka Tuzla – Ogranak „PHARMACOM br. 4“ Gračanica**, na lokaciji ulica Branilaca Grada bb – Shopping Centar ETNA, Grad Gračanica, sa **mr.ph. Šećkanović Ilmom** kao odgovornom osobom ogranka apoteke.

U svrhu donošenja ovog mišljenja, Komisija za davanje mišljenja o opravdanosti osnivanja privatne prakse, izvršila je komisijski pregled navedene lokacije dana 27.11.2020. godine te sačinila Zapisnik o izvršenom komisijskom pregledu apoteke. Pored zapisnički konstatovanog, a iz priložene dokumentacije i službene dokumentacije kojom raspolaže Komora utvrđeno je da kriteriji iz člana 3. stav 2. i 3. Pravilnika nisu zadovoljeni na predmetnoj lokaciji.

Uzimajući u obzir odredbe člana 222. stav (1) alineja 3. Zakona o zdravstvenoj zaštiti («Službene novine FBiH» broj: 46/10) gdje je navedeno da Komora, «daje mišljenje federalnom ministru, odnosno kantonalnom ministru o opravdanosti izdavanja, produženja ili oduzimanja odobrenja za obavljanje poslova privatne prakse, te početka, proširenja, promjene i prestanka rada zdravstvenih ustanova sa pozicije i očuvanja profesije koju zastupa», a u vezi sa članom 222. stav (1) alineja 8. istoimenog Zakona, Komora magistara farmacije Tuzlanskog kantona, kao strukovno udruženje magistara farmacije koje egzistira radi očuvanja i zaštite interesa svoje profesije, kao i zaštite građana, daje svoje negativno mišljenje na podneseni zahtjev cijeneći, sa pozicije očuvanja i zaštite profesije koju zastupa, da nije opravdano osnivanje apoteke **PZU „Pharmacom“ Apoteka Tuzla – Ogranak „PHARMACOM br. 4“ Gračanica** na predmetnoj lokaciji iz razloga što, osnivanje nove apoteke nije u skladu sa demografskim kriterijima iz člana 3. stav 2. i 3. Pravilnika. Prema zadnjim zvaničnim podacima na području Grada Gračanica nastanjeno je 45.220 stanovnika, a u MZ Pribava u kojoj je planirano osnivanje nove apoteke i u kojoj već egzistira jedna apoteka (ogranak PZU Apoteka „Pharmacom“ (TC BINGO), nastanjeno je 2.096 stanovnika. Rukovodeći se Zakonom o apotekarskoj djelatnosti i Pravilnikom prema kojim u postupku izdavanja mišljenja imamo obavezu voditi računa o demografskim (jedna apoteka na 5000 stanovnika) i geografskim kriterijima (udaljenost između dvije apoteke najmanje 400 m) na prostoru mjesne zajednica Pribava može biti organizirana 1 (jedna) apoteka, a na teritoriji Grada Gračanica moguće je organizirati ukupno 9 apoteka. Polazeći od zvaničnih podataka Ministarstva zdravstva Tuzlanskog kantona da na teritoriji Grada Gračanica trenutno egzistira 14 apoteka i šest depoa, zaključuje se da uvažavajući demografske i geografske kriterije propisane Pravilnikom, ne postoje uvjeti za izdavanje rješenja o lokacijskoj saglasnosti, a niti rješenja o otvaranju apoteke, jer su potrebe stanovništva za apotekarskom djelatnošću na području teritorije Grada Gračanica u propisanim mjerama zadovoljene.

Na osnovu unaprijed utvrđenog činjeničnog stanja, mišljenja smo da s aspekta zaštite i očuvanja profesije koju zastupamo, nije opravdano osnivanje apoteke **PZU „Pharmacom“ Apoteka Tuzla – Ogranak „PHARMACOM br. 4“ Gračanica** na navedenoj lokaciji, jer se farmaceutska djelatnost nesmetano obavlja na predmetnom području, te je stanovništvo samog lokaliteta već zadovoljilo svoje potrebe za farmaceutskim uslugama.

Protiv ovog Mišljenja moguće je uložiti žalbu Upravnom odboru Komore magistara farmacije TK u roku od 8 dana od dana primitka obavijesti o Mišljenju, a osoba sa pravnim interesom u roku od 8 dana od dana objave Mišljenja na web stranici Komore.

**Predsjednica Komisije
za davanje mišljenja o opravdanosti
osnivanja privatne prakse
Mirsada Bejtić, mr.ph.**

**Predsjednica Komore
magistara farmacije TK**

Aneta Cipurković, mr.ph.

Dostavljeno:

1. Naslovu
2. Ministarstvu zdravstva Tuzlanskog kantona
3. a/a.



Aneta Cipurković